

Qanoq iliornikkut nunatsinni ineqarnikkut piaarnerusumik pitsannorsaaneq, nutarsaaneq inuillu illut, inissiat attartukkatik piaarnerusumik pigilersinnaaneraat apeqquteqaat aallaavigalugu oqallisissiaq.

(Inatsisartuni ilaasortat Knud Kristiansen aamma Gerhardt Petersen, Atassut)

Akissuteqaat

(Ineqarnermut Naalakkersuisoq)

Inatsisartuni ilaasortat Knud Kristiansen aamma Gerhardt Petersen, Atassut, qanoq iliornikkut nunatsinni ineqarnikkut piaarnerusumik pitsannorsaaneq, nutarsaaneq inuillu illut, inissiat attartukkatik piaarnerusumik pigilersinnaaneraat apeqquteqaat aallaavigalugu oqallinnissamik siunnersuummik saqqummiussaqrput.

Sammissaq oqallisigissallugu soqutiginaruuvoq pingaaruteqartuullunilu, aammalu ineqarnermi unammilligassat annertummata oqallissaarisut Naalakkersuisuniit ilumoornerassavagut. Pisortat inissiaaterpassui aserfallassimapput, taamaattumillu attartortut ineqarnikkut atugaat pitsannorsarniarlugit, taamaalillunilu inissiat peqqinnartuunissaannut aningaasarpaaluit atorineqartariaqrput.

Apeqquteqaat aallaavigalugu oqallisissiaq immikkoortunik assigiinngitsunik marlunnik, inissiaatit pitsannorsarneqarnissaannut inissiallu iluarsaanneqarnissaannut kiisalu attartortumiit piginnittumut aaqqissuussinerup siuarsarneqarnissaannut tunngasunik imaqrpoq. Quleqquttat taakku annertuumik oqallinnissamut ammaapput. Naalakkersuisut oqallinnermut siunissamut ungasissumut aaqqiissutissanik, attartortut ataasiakkaat ineqarnikkut atugaannik naammaginarunik angusaqarsinnaaneritut periarfissiisunik peqataanissaq kissaatigaat – aammalu attartortuusinnaapput piginnittuusinnaallutillu.

Namminersorlutik Oqartussat inissiaataanni aserfallatsaaliuineq eqqarsaatigalugu Naalakkersuisut erseqqissaatigissavaat UKA2012-imi ineqarneq pillugu politikkikkut nassuiaat suliarineqarmat, tassanilu inissiaatit aserfallatsaaliorniarlugit suliniutit annertusineqassasut atituumik isumaqatigiissutigineqrpoq. Taamaattumik Namminersorlutik Oqartussat inissiaataat attartortittakkat tulleriaarlugit iluarsaanneqarnerisa aallartinnissaannut aningaasanik immikkoortitsisoqassasoq, tassanilu illut aningaasaqarneq eqqarsaatigalugu pitsaanerusunngortinneqarsinnaasut taamaalillutillu atasinnaassusii sivitsorneqarsinnaasut salliutinneqassasut, 2014-imut aningaasanut inatsisissatut siunnersuummi siunnersuutigineqrpoq. Inissiaatit pitsaanerulersinniarneqarneri annertusineqassasoq Naalakkersuisut kissaatigaat.

Inissiamik piginnittuunerup attartornermiit iluaqutaanerunissaa qulakkeerneqassaaq. Tamatuma saniatigut tapiissutit inunnut pisariaqartitsinerpaanut tuttarnissaat qulakkeerniarlugu ineqarnermut tapiissutit misissorneqassapput. Kiisalu qanoq iliorluni ineqarnerup, isumaginninnerup akileraartarnerullu ataqatigiinneri pitsannortinneqarsinnaanersoq misissorneqassaaq. Taamaattumik ineqarnermut tapiissutit misissuiffigineqarnerannut peqatigitillugu, isumaginninnermi tapiissutit akileraartarnerlu misissuiffigeqqissaarneqassapput.

Tassalu 2014-imi ineqarneq misissuiffigineqassaaq misissoqqissaarneqassallunilu, tamatumalu kingorna 2015-imi ataatsimut aaqqissuusseqqinnissarpiamik saqqummiussisoqassaaq.

Inissianik aserfallatsaaliuinerup piviusunngortinneqarnissaanut inuiaqatigiit tamarmiusut annertuunik suliaasaqarput, tassami naammattumik aserfallatsaaliuisannginneq annertuumik atungaasimavoq. Pisuni amerlasuuni illut aserfallassimasarmata taamaalillutillu piffissap sivikitsup iluani isaterneqartussaasarlutik, ajoraluartumik aserfallatsaaliuinissaq imminut akilersinnaasannilaq.

Inissiat aserfallassimasut attartortunut tunineqarnissaminut naleqqutinngillat. Attartortut pisissagunik inissianik aserfallatsaaliuinissamut iluarsaassinissamullu akisussaalertussaanerat, taamaalillunilu aningaasaqarnikkut nammagassanik oqimaatsunik tiguisussaanerat tamatumunnga pequtaavoq. Inissiat iluarsaanneqareernerini aatsaat attartortunut tunineqarsinnaanerat periarfissaavoq.

Assersuutigalugu inissiaq akimik niuernikkut unamminartumik, attartortup akilersinnaasaanik naliliiffigineqarsinnaavoq, kisiannili tamatuma kingorna iluarsaassinissaq akisoorujussuusassaasoq, aammalu illup nalinga sinnerlugu akeqalersussaasoq paasinarsisinnaavoq. Amerlanertigut iluarsaassassanut taamaattunut realkreddittimit aningaaserivimmilluunniit taarsigassarsisoqarsinnaasannilaq, taamaattumillu attartortoq qaangeruminaatsunik nammagassaqaalersussaavoq, piginnittullu nutaap iluarsaassinermut akiliisnaanginnera pissutigalugu illu iluarsaatinngitsoorneqarsinnaalluni. Taamaattumik inissiat suut tunineqarsinnaanersut aammalu inissiat suut tunineqartariaqannginnersut immikkoortitsisoqartariaqarpoq.

Maannamut misilittakkat takutippaat, ukiuni kingullerni inissianik tunisarneq arlalinnik peqquteqartumik annikilliarforsimasoq. Ilaatigut attartortut aningaasaqarneq, inissiap pitsaassusia imaluunniit attartortuunnarnissamik kissaateqarneq, ilaatigullu inissarsuit ilaasa tunineqarnissamut naleqqutinngitsut naliliiffigineqartarnerat pissutigalugu attartortut inissiat najukkatik pisiarissallugit kissaatigarsimanngilaat. Attartortut ilaat namminneerlutik aningaasaqarnertik pissutigalugu aningaaserivinnit taarsigassarsisinnaasannigillat, attartortut ilaat illoqarfimmi najugaqarallartuusarput, imaluunniit piginnittunngornissartik piuumassuseqarfigisarnagu. Ilaqutariinnut arlalinnut inissarsuarni imermik kiassarnermillu atuinermut immikkut uuttuuteqartoqartinnagu, assersuutigalugu siunissami inissianik pitsanngorsaaniarluni avatangiisinut pitsanngorsaaniissamut aningaaserivinni taarsigassarsisoqarsinnaanngitsoq paasineqarsimavoq. Tamatuma saniatigut ilaqtariinnut arlalinnut inissarsuit ilaat isateriaannanngorsimasarput, taamaattumillu tunineqarnissamut naleqquttaratik, aammalu tuniniagaagaluarlutik attartortunit pisiariumaneqartaratik.

Attartortumiit piginnittumut aaqqissuusineq siuarsarniarlugu DVD-mik, attartortut qanoq iliorlutik attartortumiit piginnittumut aaqqissuusineq aqqutigalugu inissiamik attartukkaminik tiguisinnaanerit oqaluttuamik imaqartumik suliaqartoqarpoq. Taanna KNR-TV-kkut 2012-imi ukiaanerani aallakaatinneqartarpoq. Tamatuma saniatigut Naalakkersuisut allakkanik, illoqarfinni annerni sisamaasuni illuni ilaqtariinnut ataatsinut inissiani illunilu affarleriinni attartortunut nassiussuipput aaqqissuusinerlu pillugu paasissutissiillutik. Naalakkersuisut saaffiginnittarlutik suliniuteqarnertik ingerlatiinnarnialersaarpaat, aammalu attartortumiit piginnittumut aaqqissuusineq pillugu najoqqutassanik attartortunut nassiussuiniarlutik. Kiisalu illoqarfinni allani illuni ilaqtariinnut ataatsinut inissiani illunilu affarleriinni attartortut aamma saaffigineqassapput. Illoqarfinni assigiinngitsuni attartortumiit piginnittumut aaqqissuusineq pillugu paasissutissiiviusumik ataatsimiittitsisoqartarsimavoq, taakkuli ajoraluartumik annikitsuaraannarmik sunniuteqarsimapput. Taamaattumik paasinarsisimavoq, attartortunut

ataasiakkaanut toqqaannartumik saaffiginnittarnerit sunniuteqarnerpaasartut. Tamanna pissutigalugu suliniutip taassuma INI, ulluinnarni attartortunut attaveqartuusartooq suleqatigalugu ingerlateqqinneqarnissaa Naalakkersuisut siunnerfigaat.

Kiisalu inissianik iluarsaassinnermut atatillugu attartortut inissianik najukkaminnik pisinissamut neqeroorfigineqartarnerat suliniutigineqarpoq.

Maannakkorpiaq inissianik attartortittakkanik tiguisinnaanermut periarfissat pitsaanerulersinniarlugit suleriaatsinik pisariillisaanerit, inissiarsuarni illuutillit peqatigiiffii pillugit paasissutissanik pitsanngorsaanerit, aningaasaqarnikkut pisussaaffiit agguarneqartarneri kiisalu ilaqutariit akissaqartut, aammalu inissianik attartortittakkanik tiguisinissamut periarfissaqartut sooq taamaaliorsimanginnerinut ilusilikkamik misissueqqissaanerit sulissutigineqarput.

Taamatut oqaaseqarlunga neriuppunga Inatsisartuni ilaasortanit pilersitsiviusunik immersorneqarluta oqallilluarumaarluta.